

'A FATTURE

'Nze facève capace tutt'a strate.
Quell'ère sèmbe state janghe e rosce.
Mo' 'na morte ambulante. - 'Nze canosce
tante ch'è ggialle cume e 'na frettate.

S'arrucchiàrene tutte li cummare
e ognune cunzegliaie nu segrète,
ma 'a fegghiulètte ère nu chiante amare,
immèce da jì annante, jève arrète.

Che èja e che nen èja? 'Na fatture?
Facirene 'a zetèlle, e nze muvie.
Manche 'u ghiumme nd'a l'acqua ce putie
addì lu male de quella criature.

'Na santocchie penzaie a 'na nuvène:
ccussì pe nove jurne sane sane
resarie e lambe annante a' la Campane.
Pure quillu remèdie venijè mène.

Ouèlle s'ère arredutte pèlle e osse.
Se revulgiè a mamme a nu dottore
c'a guardaie bèlle belle d'inte e fore.
Scupre e schemmugghie, ère gràveda grosse.